

Klinika Svjetlost skupila više od 400 svjetski priznatih oftalmologa na jedno mjesto: "Mi smo budućnost"

Autentičnost vodi do napretka, mi predstavljamo budućnost, rekao je dr. Gabrić



Sa 14. Kongresa o oftalmologiji. *Svjetlost*

S. S.

jučer



Samo sedmicu dana nakon što je glamuroznom proslavom obilježila 25 godina postojanja okupivši političku, poslovnu i estradnu elitu, Klinika Svjetlost u Zagrebu ove je sedmice bila domaćin globalnog oftalmološkog kongresa.

U organizaciji CSCRS-a (Hrvatskog društva za kataraktu i refraktivnu kirurgiju) i Klinike Svjetlost okupilo se u Zagrebu više od 400 oftalmologa iz cijelog svijeta na 14. svjetskom kongresu „Novi trendovi u oftalmologiji“.

Čak 40 predavača s 3 kontinenta prezentiralo je najnovija dostignuća i saznanja iz oftalmologije s posebnim naglaskom na hirurgiji katarakte, refraktivnoj kirurgiji i liječenju retinoloških bolesti.

Ključni govor održao jedan od najvećih oftalmologa današnjice, profesor Lucio Burratto, pionir refraktivne kirurgije, ali i jedan od vodećih edukatora u polju medicine općenito. Profesor Burratto pokrenuo je video edukaciju ljekara, a već više od 40 godina radi na širenju ideja moderne oftalmologije.



Nikica Gabrić dodijelio je Lifetime Achievement Award Luciju Burattu. *Svjetlost*

Povodom njegovog nemjerljivog doprinosa razvoju ove cijenjene struke, CSCRS kao društvo dodijelilo mu je tokom kongresa i nagradu za životno djelo.

Posebnost ovog kongresa bila je i "hirurgija uživo" gdje su ljekari Klinike Svjetlost, vodeće regionalne oftalmološke bolnice, odradili 11 različitih zahvata prikazavši vještine i tehnologije s kojima raspolažu.

– Htio sam vidjeti Gabrićevu kliniku jer je vodeći hirurg u Evropi. Snažno vjerujem da vrijeme za učenje nikada ne prestaje, a ovdje vidim budućnost - izjavio je Buratto po završetku ovog kongresa.



Kongres o novim trendovima u oftalmologiji. *Svjetlost*

Osim raznovrsnih predavanja i hirurgije uživo tokom kongresa bile su organizirane praktične edukacije (WET LAB) iz operacije mrežne te prvi puta u regiji i lentikularna laserska kirurgija – treća generacija laserskog skidanja dioptrije.

Uvaživši doprinos koji globalnoj oftalmologiji daje hrvatska klinika Svjetlost i tim naših liječnika na čelu s prof.dr.sc. Nikicom Gabrićem, za vrhunske ljekare iz cijelog svijeta u petak je poseban prijem na Pantovčaku organizirao i predsjednik Republike Hrvatske Zoran Milanović.



Prijem kod Zorana Milanovića. *Svjetlost*

Tokom sat vremena audijencije s hrvatskim šefom države vodeći domaći i strani oftalmolozi prezentirali su Milanoviću nova dostignuća i sjajne rezultate njihove struke zbog čega danas pacijenti ne moraju putovati u, npr., London, Pariz ili Cirihi nego sve mogu obaviti u Zagrebu po najvišim svjetskim standardima.

Ovaj važan kongres u Zagrebu posjetili su i dr. Sheraz M. Daya – jedan od vodećih oftalmologa u Ujedinjenom Kraljevstvu, prva osoba koja je izvela LASIK zahvat u UK; prof. dr. sc. Paul Hahn – jedan od vodećih retinologa na svijetu iz SAD-a, vodeći stručnjak za patologiju i nove lijekove za retinološke bolesti; prof. dr. sc. Emilio Torres-Neto – jedan od vodećih ljekara za keratokonus i napredne metode liječenja ove bolesti, jedan od ključnih ljudi u projektu K-map kojim se radi istraživanje prevalencije keratokonusa u mladih osoba u više od 160 zemalja na svijetu; dr. Dimitrios Kyroudis – jedan od suvlasnika Pallas lanca klinika u Švicarskoj, stručnjak za korištenje lasera kod liječenja ožiljaka rožnice; dr. Victor Derhartunian – ljekar s klinikama u Švicarskoj, Austriji i Poljskoj, jedan od vodećih kirurga 3. generacije laserskog skidanja dioptrije kao i još 400 tinjak vrhunskih ljekara iz cijelog svijeta.

Po završetku ovog kongresa, organizator i vlasnik klinike Svjetlost prof.dr.sc. Nikica Gabrić ponosno je izjavio:

- I mi učimo kao što kolege oftalmolozi uče od Klinike Svjetlost. Tu je Lucio Burratto jedan od najvećih oftalmologa u historiji, Sheraz Daya ljekar ogromnog znanja i čovjek kojeg posebno cijenimo kao i ostale predavače i kolege oftalmologe s kojima smo mogli izmijeniti iskustva. Danas sam mnogo puta čuo riječ autentičnost. Autentičnost vodi do napretka, mi predstavljamo budućnost. I veoma nam je zadovoljstvo i čast što je Predsjednik Republike Hrvatske prepoznao doprinos hrvatske Svjetlosti svjetskoj oftalmologiji.

